

世

廟

識

餘

錄

世廟識餘錄卷之十九

資政大夫太子少保禮部尚書臣徐學謨謹輯

上精十四六文字凡西宮齋意俱出自睿思而撰直諸臣箋奏每擇其優者令內侍抄錄以備觀覽故進御之詞先後不敢重複是歲一冬無雪上諭禮部

禱于各宮廟自十二月至于來年正月六日夜雪始大降明日子刻立春猶臘雪也時方急營三殿將作惟恐雪雨妨工比以節假工暫輟始雪故部疏有天相朝工和霽允資乎登築帝虞穡事豐穰未卜于來牟語上覽之甚嘉因批云工起乃和霽匠歇而瑞

零上玄恩眷朕心感悅蓋待承優者云又浙直總督  
胡宗憲進二白鹿其始母者得之海中周山後于齊  
雲山又得公鹿相去數月耳奏至 上諭禮部告廟  
諸司皆上表廷賀時閣表爲諸修撰大綬作嚴嵩大  
以爲佳及禮部表上中有以耦乘奇天作一時之合  
自川徂嶽神彰兩地之能句 上坐賞之用硃筆點  
綴語聞之以問禮書吳山誰爲之者公以某郎對嵩  
色少沮蓋不欲以部詞加閣下恐妨寵也其天性忌  
嫉如此然自是郎其不得安其位矣

陝西鄠縣人王金者故太學生以睚眦殺人坐抵當大

辟而鄆令蜀人陰鳳麟雅喜黃白之術聞金有秘方  
與語悅之因爲之解釋得末減金旣出獄遂逃入京  
師匿通政使趙文華所會文華視師江南金在京師  
落魄無所遇上一日於官中扶乩降云服芝可長  
年於是下諭禮部遣官採取於鶴鳴諸山居亡何大  
興人張道民獻芝一本賜絹二疋白金五兩乃四  
方以芝進者殆無虛日盡積於西苑苑中內使常竊  
出市人復進之可得賞賚而金因厚賂內使出芝萬  
木藂爲一山號曰萬歲芝山欲因禮部以進而禮書  
具由素知金亡命無賴且芝從內府轉移怒其罔上

干澤斥不與進金不得已自進之時上意已厭怠所得芝不復貴重僅批禮部知道而已金稍失望而京師士大夫交金談內外事者常對祠此其然患金覲一信之以說具山爲進身計也郎終不欲見金其後陰鳳麟以嘉興倅綱運入京鳳麟教授蘇州時與郎有平生金因鳳麟以所製瓊山玉樹香山一座納其室因以餌郎鳳麟爲郎言此樹若鉛錫狀者計一兩可化白金十兩公欲之願以爲壽郎心知金詐笑謂鳳麟曰窮措大安得有此福量也鳳麟遂語塞而去而金終不得進用後郎外補而具山亦回籍袁煥

代吳爲禮書以趙文華匿金改遂薦補太醫院御醫  
君子小人于用人行政之際其作用固自有間也

太常寺典簿咎義金者道流也嚴嵩之妻歐陽夫人疾  
義金爲之祓而差夫人病起欲陰厚之義金遂求爲  
本寺寺丞太常堂上官故用科目人由吏部遷轉自  
嘉靖己丑後上以科目人不閑于籥萬于是有

旨專以道流爲之而詔禮部從贊禮協律二郎考  
選既選中得旨方咨吏部銓註遂著爲令時分宜  
之子世蕃以母夫人意欲引義金爲寺丞而憚禮書  
吳山方嚴恐拂之不能得乃囑寺卿師宗記經呈吏

部推陞吏部筆爲題缺而選曹方移文知會祠曹高  
在西苑亦自與山言之尚書來促復時祠曹郎某急  
抱牘詣尚書所請曰此有考選故事不在推陞之例  
柰何吏部欲侵禮部權且典簿守領官又不當陞寺  
丞郎中所執者三尺耳敢私茂前 旨耶已尚書閱  
牘果如郎中言始色變曰吏部欺余甚矣召選郎面  
讓之選郎大慚面發赤語塞唯唯退已知爲師宗記  
所贊恨之乃咎承行吏仍以考選權歸禮部而義金  
日夜從吏歐陽氏必得寺丞而後已高不得已又與  
尚書言夫人意如此世蕃聞之怒罵郎曰何物畜乃

梗吾家耶尚書私於郎某曰我見諸曹阿順政府皆  
生意迎之今以一寺丞故父子開口而不得吾兩人  
殆矣吾老亡足惜顧君始進恐鷄肋之不勝也盡審  
處之郎某曰形端則表正尚書無私郎能自私耶尚  
書曰嚴公吾鄉前輩也勢已如此不宜重阻之遂召  
義金等五人入部姑佯試之郎日上疏以義金爲寺  
丞而選曹自是亦銜郎某之慙必欲劣處之矣淵濁  
之世賢者之不得行其道如此

大學士嚴嵩疏言昨奉 聖諭殿名奉天自己坐是已  
卽天也此意不知 皇祖何取臣窺 聖德不以天



自居謙冲之至然臣聞傳記有曰天子至尊無上又  
曰人君其尊如天此係先儒之言而其原出於孔子  
作春秋繫王于天稱天子曰天王此孔子之言後世  
莫有易之者又書曰天命有德天討有罪言人君賞  
罰不自已出一歸之於天 皇祖取義之意或亦出  
此臣愚伏思 祖制已久今須 勅下禮官廷臣集  
議以俟 聖裁 上曰卿解奉天二字義甚正第聖  
賢所謂非是題扁之用也遂諭禮部曰昨承恩示未  
可諉之氣救先代儒臣有言君心通乎天心夫以人  
君奉天百為萬用孰非天者豈止刑賞一大件耶乃

始謂之奉天。皇祖命名取義，乃此然於已身坐之，終未安也。况夫災燬初罹，建文自作人孽，次今兩蒙昭示名稱之舊，決不可復。其會官集議，以開門樓更擇日先造，不可以陰陽家爲小說來歲弗宜越而不可。於是禮部會廷臣議言：皇祖肇造之初，名曰奉天者，蓋以人君受天命而爲之子，故昭揭以示虔爾。然旣以奉命，則是昊天監臨，儼然在上，而臨御之際，坐以視朝，仁人奉若之誠，委屬未安。仰惟聖明有作，禮樂一新，顧此殿名，獨仍舊貫，茲當修復之始，乞奏祭，睿斷更定以答天庥。上曰：會議已明，俟

至期于南郊太祖更之其後三殿更奉天爲皇極華蓋爲中極謹身爲建極而左順右順二門更會極俱取自聖裁非閤臣所擬也

罷工部尚書趙文華回籍以刑部尚書歐陽必進代之是時上欲先建正朝門樓責成甚急文華雖標校然實無應卒理劇才不能以時奉旨上滋不懌且稍聞其連歲視師江甯贖貨殃民要功僨事之詳欲黜免之重遣大學士嚴嵩意乃先諭問高門辦樓料何遲該部不專管所致文華志似不若昔者嵩爲回護言該部正官事繁即今門樓木石料俱集須欽

命侍郎及該監官各一員專管文華因昨歲冒暑南  
征致疾似非旬月可愈若二侍郎俱有差部事缺人  
管理須添設侍郎一員協理之蓋高猶未知上意  
也於是工部疏請如嵩指詔以侍郎雷禮太監袁  
亨總理營造仍添註工部侍郎一員命禮部推擇以  
聞吏部乃以署通政司事工部侍郎盧勲及嵩子世  
蕃名上世蕃時以工部左侍郎掌尚寶司事也上  
點用勲文華隨上疏請暫命侍郎署印賜假靜攝旬  
月稍可卽出趨事上曰今大工方興司空乃其本  
職趙文華既有疾其令回籍養病卽推勲能堪司空

任者以名聞吏部以必進應詔 上疑其年老以問  
嵩嵩曰必進雖年六十精力尚健前建瓯城時必進  
任工正區處諸事著有能績 上乃用之已遣給事  
中鄭國賓御史宋儀望監視工程 上既稔知文華  
罪惡雖斥去意猶未平而言官無攻發之者 上意  
無所洩會其子懌思請假送親回籍是時以 聖旦  
祈典停封事朔日終止繹思遂以晦日具疏計御覽  
在朔日吉期外矣 上因以是爲文華罪曰文華吉  
修限內稱疾欺罔已甚况殺無辜王命朕大宥之以  
勸後任事者而其子疏擾乃明書二十九日是爲故

冒吉期不敬君上至矣。文華黜爲民懌思發邊衛克  
軍因詰禮科失糾。命對狀。都給事中謝江右給事中  
鄭國賓給事中周啓大操守經陳麟楊乾亨俱引罪。  
上責其黨護同欺。而猶飾辭以對。命錦衣衛執詣  
端門杖之。俱黜爲民。上乃以文華江南諸不法罪  
狀示大學士嚴嵩。且諭以勿以子弟而挂念焉。嵩惶  
恐對。文華平日任情作事。不令臣知。昨歲南征獲功。  
臣爲之喜不意近日人言其過失多端。誠如聖諭。  
然彼時實未有與臣言者。皇上不加誅殛。曲從寬  
貸。以來後人任事。誠天地生全之德。臣係師生。不能

抹正又不能早知以告 皇上臣罪無可解所以日

來惴惴懷懼非掛念于彼也荷 皇上俯鑒臣衷猥

加諭慰臣無任感幸初文華憑籍高資要結 上寵

已進方士王金所製仙酒謂服之可延年且言臣師

嚴嵩以常服是酒得壽 上問嵩曰臣少多疾今

叨狗馬之年實不知所自非關仙酒也嵩退詰文華

何誣罔至此上以文華言無實意寢疎之又一夕遣

中使至其第賜文華衣一襲適文華飲嚴世蕃所乘

醉歸拜賜倉皇不能成禮中使還以聞之於 上

上滋不懌而會言官言其在江南貪肆狀初雖不信

已覺之焉。雖私文華然憚

上威嚴終不敢爲之掩

護以至於敗亦有天意。先是文華既陷李默指默所  
居無巡檢直房謂禮書王用賓曰公何不令人滌除  
之吾旦夕且與公同贊直矣其口之不檢多此類文  
華所患水蟲症日久後被斥登舟偶以手捫其腹忽  
裂五臟悉出死此妄救生人之祟也

初錦衣衛經歷沈鍊以論嚴嵩父子發口外爲民編籍  
宣府之保安鍊自負狂直悻悻不得志乃開書院招  
四方游士相與講論公議朝政得失凡遇縉紳往來  
必斥毀嚴氏父子或時馳馬至居庸關下南望戟手



唾罵繼以慟哭人咸以爲顛又傳檄京師欲起義以清君側之惡是時趙文華旣得罪嵩父子疑懼思以自保會有人以鍊狀來告者嵩父子亦懼欲殺鍊以滅口乃授指宣大總督楊順圖之順故懷狡以賂嚴氏進用且邊事日壞方倚嵩父子爲庇援聞指卽勃焉以殺鍊爲已任密語巡按御史路楷啗以事成嵩且酬以京擢楷亦許諾時捕獲蔚州衛妖人閻浩楊胤夔等皆以白蓮教術蠱惑遠近出入虜地與丘富許源等爲奸者辭所引及株蔓甚衆緝捕遍于山陝南諸處順因與楷謀卽以此陷鍊誣浩等師事鍊

煽妖作奸勾虜謀逆咸鍊教詔之因并構鍊子  
襄諸不法事具獄詞奏之請誅鍊浩等而賞諸有功  
者疏下兵部時舉朝知其誣枉無不駭嘆尚書許論  
依違自顧意悉如順楷議覆之得 旨令巡按御史  
即時斬決鍊等逮鍊子襄戍極邊套順一子爲國子  
生陞巡撫張鏐三品服俸俟京堂缺陞用叅將王  
誥守備羅鎧分守叅議朱天俸分巡僉事許用中經  
歷金紹曾及家丁胡汝清等十五人皆以捕獲及訊  
擬功陞賚有差初鍊居大同凡督撫諸臣以其言事  
彼譴頗貌敬之或時有所饋餉會大同告急 上日

夜憂危之而順方殺平民泰首功蒙上陞廢者屢  
矣而獨畏鍊口不靖則以貨遺之冀密護其短鍊一  
日遺順詩曰殺生報主意何如解道功成萬骨枯試  
聽沙場風雨夜冤魂相喚覓頭顱順得詩大懼事露  
遂一意圖鍊欲殺之乘白蓮教起乃搆鍊亦陷之于  
死雖自爲計而其逢迎嵩意以殺鍊尤慘不知天下  
之耳目甚多恐至愚者不如是拙也隆慶初鍊始蒙  
卹錄而併其子襄亦有文而貌美大不類鍊以貢資  
官至知府

總督浙江福建右都御史胡宗憲以擒獲海寇王直等

來聞直本徽州大賈狎于販海爲商夷所信服號爲  
汪五峰凡貨賄貿易直多司其質契會海禁驟嚴海  
孺民乘機局黠倭人貨數多倭責償于直直計無所  
出且憤恨海端民因教使人寇倭初難之比入則大  
得利於是各島相煽誘爭治兵艦江南大被其害已  
而中國召集四方勁兵禦倭倭往往遭損傷有全島  
無一人歸者其死者親屬亦復咎直直恐乃與諸中  
國商若王激葉宗滿謝和王清溪等以其衆屯五島  
洲自保激寧波人號毛海峰宗滿號碧州謝和號謝  
老與王清溪皆漳州人悉節年販海通番爲奸利者

宗憲與直同鄉。習知其人。欲招之。則迎直毋與其子入杭。厚撫犒之。而奏遣生員蔣洲等持其母與子書往諭。以意謂直等來悉釋前罪不問。且寬海禁。直等大喜。奉命卽傳諭各島。如山口豐後等島主源義鎮等亦大喜。乃裝巨舟遣夷目善妙等四十人隨直等來貢市。以十月初至舟山之岑港泊焉。是時浙東西傷于倭。暴聞直等以倭船大至。則兢言其不便。巡按浙江御史王本固奏直等意未可測。納之恐招侮。于是朝議闕然。謂宗憲且釀東南大禍。而浙中文武將吏亦陰持兩可。直旣至。覺情狀有異。乃先遣激見宗

憲問曰吾等奉招而來將以息兵安邦謂宜信使遠  
近而宴犒交至也今兵陳儼然即販蔬小舟無一近  
焉者其詒我乎宗憲委曲諭以無他而夷目妙善等  
見副總兵盧鏜於舟山鏜誘使縛直等直大疑畏宗  
憲百方說之直終不信曰果不欺可遣激出吾當入  
見耳宗憲即遣之直黨仍要中國一官爲質于是以  
指揮夏王往直與宗滿清溪來見宗憲好言慰之令  
繫按察司獄具以狀聞請顯戮直等正國法姑准義  
長等貢市求銷海患或曲貸直等死充沿海戍卒用  
繫番夷心俾經營自贖御史本固聞於事機力以爲

未可而江南人洶洶言宗憲入直善妙等金銀數十萬爲求通貢貸死宗憲聞之大懼既發追還之盡易其詞言直等寔海氛禍首罪在不赦今幸自來送死寔籍玄庇臣等當督率兵將殄滅餘黨直等惟廟朝處分之時直等二人來留王激謝和在舟本固復言諸奸逆意叵測請嚴勅宗憲相機審處務令罪人盡得夷不爲變于是嚴旨責宗憲擒勦宗憲大集兵艦環夷舟守之夷挾貨無所售既索直等不出見兵船逼之益急乃揚言責中國渝約數出怨懟語移舟據舟山爲固宗憲仍時以好言相支調云按初倭人

內訌江南人俱歸罪于王直爲之謀主。朝廷亦懸  
不次之爵。冀以擒直。傾茫然海島中。何所踪跡。而宗  
憲以同鄉故。旣易于用。問而其材智膽畧。亦自有大  
過人者。故卒縛直以報。天子功亦偉矣。而言事者  
阿新輔臣意。誣宗憲黨直勾倭。必欲殺宗憲以悅其  
所仇。此天下之大冤。而至今無人白之也。頃萬曆庚  
寅間。始稍蒙卹典。然報之亦未盡。古云。功蓋天下者  
不賞。以此。

丁丑。虜辛愛黃台吉夷婦桃松塞者。辛愛之第三妾也。  
私通其部目。收令哥懼誅。乃相率自大同新平堡求



降守者納之宣大總督楊順自謂為奇功以夷男婦  
致之闕下辛愛俺答子其士馬雄冠諸部且克役無  
賴北邊畏之既失其婦則慙悲兀殺守舍及其親屬  
百十人遣騎來索不得乃縱騎掠大同左右衛諸墩  
堡為所攻毀畧盡且曰若歸吾婦願以銀馬駱駝相  
易不則糾眾內訌使爾十年內奔命不休于是巡撫  
大同都御史朱笈言此酋耻失嬖妾且甘心于我土  
即今隆冬草枯猶爾咆哮使我餉運阻塞兵不解甲  
入春何以善後乞詔令該部譯審桃松塞收令哥等  
情偽從長議處以彌邊患已虜益布滿山谷圍右衛

城數重順恐乃言虜願以我叛趙金丘富等易其逃  
婦本兵深以爲便亟奏許之于是遣桃松塞叔哥等  
還行至白登順令人誘叔令哥携桃松塞自西陽河  
夜逸出塞西走乃因告之辛愛辛愛選騎追之及於  
蒲河岸執至塞下召其諸婦環視磔裂之刺取心血  
徧飲諸婦曰異日若輩私奔亦如此矣于是虜狎知  
順等能散牧威平間攻圍右衛益急矣按桃松塞始  
叛辛愛來降此一女子耳何足以張中國之威即拒  
而弗納可也即縛桃松塞還之辛愛以結其心亦可  
也奈何守者旣納之而楊順願自詡以爲奇功則邊

一三  
鑒之啓所由來矣。順本齷齪小人難易大事固無足  
恠而是無時廟堂亦漫無區處令醜虜狎視朝廷  
人亦可耻也。

刑部左侍郎楊大章以疾在告久上疑之特諭掌錦  
衣都督陸炳差千戶偕太醫院官診驗以真疾報  
上曰茲所驗非實病卿貳豈宜六旬家卧姑從寬令  
養病去乃大學士李本幼時業師也其人闖耳貪鄙  
行誼無取徒以本故得致通顯及是老憊猶貪戀不  
去忽奉聖斷斥逐士論快之

巡按直隸御史方輅劾奏總督薊遼保定都御史王忬

調度熙策貽害地方當虜屯會州擁衆南下則潘家口最當要衝乃漫不設備致虜乘而入失策者一虜前犯遼東意在西入忪擁衆援北虜已西而我久東阻失策二總督重臣止應告中調度以便策應忪一開遼東卽倉皇馳逐致喜峰以西全無寸備失策者三縱中軍張倫擅調將官更易主令一可罪與虜對壘脅於將令遂束手坐視二可罪倫估勢凌衆忪寵任之致令僨事三可罪入衛官軍乘機鹵掠忪不能制四可罪宜亟黜爲民別選才望代之上謂忪官久志怠調度失宜致虜深入幾輔生靈被慘命錦衣

衛差官校并張倫逮赴京訊鞠治。已忤及倫逮至下鎮撫司拷訊付法司議罪。當忤等守邊將帥守備不設被賊侵入境內擄掠人民者律戍邊。上手批曰諸將皆斬係軍令指揮之誤出令者却不治罪。是何擬律更從重擬。于是以忤當失陷城寨者律。倫當失誤軍機者律皆斬。報可按忤始以庚戌虜變自御史超拜都御史出。上手批非由會推也已江南有急悉以忤當之忤性慈良易直故非軍旅才徒以。上意所注勉力經營計不遺餘力矣比灤州大衄諸中貴及官人家被傷者日號泣。上前。上已心動諭

嚴嵩曰：忬不忠，理不可宥。非朕用人之不終也。時已有誅意。及兵部郎中唐順之行邊，嵩餞之于直所，指飲蕙苡酒，謂順之曰：酒爲王某所餽。酒則一年佳，一年官則一年不如一年也。此或嵩偶然語耳。而順之誤信，謂必欲中忬，比行邊回奏於論忬處，衆譖獨多。先托其門生白啓，常呈嵩。子世蕃世蕃詫曰：若王某如唐君所言，卽當就擒矣。稍爲更削其草，止存一卒不練等十六字已降。肯葉令秋後處治。忬益憂惶，不能自安。乃愆患方輅論已，冀得一遣戍去，不謂聖怒遂由此不釋也。時刑部尚書鄭曉依律坐戍當。

矣而 上必欲加擬後二歲被刑當忬逮後卽起兵  
部尚書楊博代忬總督是歲虜不犯邊使忬少需之  
或可遣死先是有日者云忬命應飛天祿馬格與韓  
淮陰岳武穆同有子平評鑑書內載一八字其人姓  
柳與忬即差天干一字註己未年被殺乃忬以己未  
年被逮庚申年死西市由此觀之死生前定莫之能  
遣也

世廟識餘錄卷之二十

資政大夫太子少保禮部尚書臣徐學謨謹輯

先是巡按浙江御史王本固南京御史李瑚各劾總督浙直都御史胡宗憲岑港養寇溫台失事掩敗爲功之罪。詔下查盤科道官羅嘉賓龐尚鵬從實覈報。至是嘉賓等奏覈岑港倭凡五百餘人。于三十六年十二月隨王直至求市易。及王直被擒。見官兵浸逼。燒船上山。據險屯駐。至三十七年七月間。攜帶銅油鐵釘移駐河梅。造舟。至十二月舟成。於十三日開洋去訖。今泊福建浯嶼。其溫州三十七年之寇。則自



三月間至流劫樂清瑞安永嘉平陽等境府城及瑞安樂清二縣盤石寧村等所皆被圍逾月殺指揮劉茂朱廷鏞千戶周賓百戶劉源李爵秦杭鄉官僉事王德醫官王崇大等至六月初由飛雲港等處開洋而遁其台州之寇亦同三月乃由松門澶湖登岸流突臨海黃岩太平仙居寧海天台等境且徧府城及太平縣城數被攻圍觀海衛百戶陳椿太平縣典史葉宗皆死千賊至五月十九等日自甬現大清開洋而去天台有遺倭潛突仙居臨海知府譚綸督兵夫逐捕至六月初六日擒斬盡絕以上岑港溫台失事

始末大都如此。至於文武諸臣功罪如叅將戚繼光、勦賊無功、通番有跡、叅將張羅不能邀截、縱寇復逞、把總劉英遺賊酒米、信地失防、所當重究。原任叅將張鐵寧村失守、全軍覆沒、把總梅魁遇賊先逃、喪師罔恤。千戶朱光透漏軍機、按兵縱寇。千戶王世臣朱諫聞警、委舟臨敵、撒防指揮劉大有、胡鎮、李荀等千戶、張輔等百戶、高世安等志切保身、望風奔潰。以上諸臣均當重究。副使袁祖庚、曹金等機宜弗審、制禦全疎、但已經革任、似應免究。兵備副使陳元珂、擁兵自衛、防守不嚴、所當降調。先任海道副使、今陞巡撫。

王詢綜理雖乏先事之防而失事則在離任之後似應寬處至若總督浙直福建都御史胡宗憲柔佞憐人奸邪巨蠹欺君悞國養寇殘民岑賊移駐柯梅自焚舟廠全浙所共知也乃稱官兵攻剿而妄行奏報欲飾其玩寇之愆溫台極被創殘荼毒人心所共傷也乃稱斬獲數多而更以捷聞求掩其殃民之罪擁勁兵以自衛惡聞警報之宵傳罪將領以文奸專冀本兵之內召庶耻掃地沉湎喪心捧觴拜舞于軍前而伏地歡呼贊趙文華爲島夷之帝携妓酣飲于堂上而迎春宴客視總督府爲雜劇之場萬金投款權

臣而醉發狂言畢露其彌縫之巧千里追回章疏而旋更情節曲致其欺罔之私納賄弄權出犴獄之巨奸若盜賊朱光等權倖將領專官給餉縱滑稽之武弁若指揮陳光祖富擬陶朱貪黷因仍征輸繁急喜通夷情爲得策啓軍門倭主之誑指扣侵邊餉爲長規有總督銀山之號招藝流而厚加拳養盈庭皆狗鼠之雄假贊畫而陰爲利謀入募悉衣冠之盜蔑視法典溷亂官常此一臣者宜置之重辟以用彰天討洩人心之憤者也疏下兵部議得旨繼光羅英革任仍同鐵魁等下按臣逮問祖庚等免究元珂降調宗

憲詢策勵供職按是時宗憲以王直功爲時宰所忌故言官阿旨論之而聖明終不之罪也

贈故兵備右叅政任環爲光祿寺卿命有司建祠蘇州

府以時致祭仍廕一子原籍衛所副千戶環山西長

治人嘉靖二十三年進士知滑縣陞蘇州同知倭寇

犯境環身率疲卒感以忠義屢擊賊敗之前後俘斬

甚衆以功陞僉事加副使右叅政俱仍舊任環志欲

平倭衣服皆自識其名誓必死賊賊猝犯蘇州諸城

門皆閉郊關避寇者不得入繞城號泣環拔劍洞開

諸門全活以數萬計蘇人德之後以母喪守制卒于

家至是吏科給事中徐師曾請給官秩祀以報其功。故有是命。按環故忠義士能不避艱險遇賊直前乃其所長。國史叙其俘斬甚衆恐非實錄。

南京鎮武營兵亂殺督儲侍郎黃懋官。舊例南京各營官軍月米有妻者一石無妻者減十之四。春秋二仲月每石予拆色銀五錢及馬坤爲南京戶部尚書奏減拆色銀爲四錢諸軍始怨懋官性刻削每月各衛送支冊必詰其逃亡多寡又奏停補役軍丁妻糧諸軍益不堪是時坤已召入爲戶部代之者尚書蔡克廉病不事事比歲大侵米石至銀八錢軍中爭求

復拆色頗不見理每月常以初旬給各軍糧是月已再旬懋官猶未支給是日振武營軍操期振武營者南京兵部尚書張鑒以海警創設者也初議選各營精銳不足乃益以四驍健然京卒怯脆中選者不及十二其所團集大抵皆惡少游手無賴者晨集將赴操遂鼓譟團懋官第懋官聞變急踰墻出因仆地不能起諸軍競前撲殺之懸其死于市痛加詆辱仍大呼脅兵部尚書張鑒求賞鑒錯愕不能應會誠意伯劉世延趨至諭曰爾輩但求賞易耳能從我惟爾所欲衆稍定翌日九卿科道大會於內守備廳兵部侍

郎李遂揚言曰昨黃侍郎之變遂親見其越牆死各  
軍特不當殘辱之當據此聞奏不得稱叛因麾亂軍  
退衆求賞遂叱曰今日之事若求復妄糧月糧原額  
即可得求賞不可得朝廷在上爾輩欲何爲者乃  
令人各給銀一兩以補減拆糧餉始散按是時李遂  
不以糧叛慰叛軍亦得權宜解散之術大都士大夫  
偶遇猝然之變惟神氣鎮定則兇邪自消矣

原任春坊中允郭希顏以失職家居鬱鬱不樂怨大學  
士嚴嵩謀因事搆之當歲首密使人入京於城門關  
市中悉揭匿名帖言嵩欲謀害裕王以搖動群情



已遂上疏言臣往歲恭讀 聖諭欲建帝立儲者道  
路相傳以立儲賀臣度曰立儲難 皇上誠欲立儲  
則重臣猶可與計者如猶未也莫若安儲臣願陳忠  
之日久矣以爲說從則兩存俱利臣之大榮也說不  
從則出位死罪臣之大懼也乃間歲星變地震繼又  
大毀災皆垂仁愛之象謬意在廷或有出死力爲  
皇上計此迄無一二調護者臣欲避死終不言每念  
主恩感泣忽然忘生又臣嘗疏罷鹽國後有謗者  
必追咎及臣則是不言亦死爲負國言之雖死爲報  
國臣寧一言報 陛下不敢言立儲請言安儲何者

君相相信則儲安、父子相體則儲安、相信有道釋疑是也、相保有道分封是也、相體有道總覽是也、何謂釋疑、臣觀自古蒙無故之議者、仁君不及全其臣、履危疑之地者、慈父不能庇其子、今皇上至愛莫若

二王、至重莫如元輔、其初固何嫵何疑也、蓋自言者倡爲二王面陳嚴嵩之說、臣恐二王與嵩皆

疑而不自安、則何暇善後、皇上何不降德音諭元

輔以益加忠謹、便知王初無他、也不必疑于王

諭、二王以毋忘恭敬、使知嵩終無他、也不必疑于

嵩、則君相相信、儲可得安也、何謂分封、二王親則

皇帝之子也。貴則國本之寄也。領同處京府。智與年長。則崇高所共欲。防不預說。則殘隙所由萌。晉三代之盛也。大封同姓。使各有寧宇。以衛邦國。而況于親子乎。是故幼而暱。就膝下者。所以篤恩也。長而出就藩封者。所以彊本也。今親藩遠離禁闥。臣仰窺天慈。爲王繼繼。但官府不宜久處。山川若已預待。

王誠能慕叔齊之風。高子臧之節。大臣畫計。聖明早斷。及時勅王就國。周其衛翼。殊其寵數。於制於情。似爲兩盡。則兄弟相保而儲可得安也。何謂總攝恒情。體子者。未有不身任其賠大。而欲子安於

無事也不觀今之時何時乎四郊多壘一日萬幾天  
意人心莫不願大聖人萬萬年垂拱者誠以南面  
事權非皇上神謨獨運太平未可反掌而收也若  
曰儲宮臣知天序所屬堯舜不能以揖讓聖愛  
無私伊周不得而假手即京府獨處尤宜親就儒賢  
亟養冲質討論往古得失相切劘於仁孝之道而一  
毫外務不得與聞况時事固非高枕之日而聖父  
又非勤倦之年分封之典既定留京之意已明願  
皇上端拱以順天人從容而議建立似無不可者  
則父子相體而儲可得安也內外各守彝翰彼此未

無猜妨。宮中問省之箋不時而進。麾下富貴之想  
奚目而生。大之而傳世享國。與天齊人。次之而全終  
股肱與國咸休。此安儲之上計。而今日之先急也。每  
嘆古者忠臣不退耕而忘君。烈士不避僇以忘直。諫  
是在廷不言。在野不容不言。惟聖明仰慰祖宗  
九天之望。深思聖母一膝之託。察臣愚始終爲  
主之無他。赦草莽言計自臣始。則士豈有不嚮風  
首而爭効。闕下者哉。疏奏閣臣嚴嵩等票擬下禮  
部看詳。上不悅曰。汝等擬下部看。欲以何爲。若用  
其言只管郊廟告行何如。于是嵩等復言。希顏疏

意可疑當令禮部會同三法司看詳上復諭旨曰  
汝昨一見彼疏豈不悶怒但以疑字一端却未見彼  
懷逆之意在本內建帝立儲四字夫立子爲儲帝誰  
可建者其再同三輔票來是日復降手諭曰細邪必  
無可赦之理令不忠之臣不義之民皆惡不速行新  
政以君相久位不攻君卽攻輔相槩可見矣部衆皆  
大臣又謂阿諛可聞之耳目官乃摘疏中建帝之說  
命禮科會同各科道集議以聞於是給事中藍壁等  
奏希顏怨望傾險大逆不道法司擬坐妖言惑衆律

上從之詔新在巡按官即時處斬仍傳道四方梟

示按是時東宮雖未正位然上已知人情所錫定議分封希顏無故發憤於片言之間別疏君臣父子兄弟自古邪臣以死博功名未有如希顏者也希顏初倡立四親廟議爲公論所紂及旣罷猶爭之至再上輒優容之希顏因自謂身雖廢退可以危言奇計微幸大功上即怒必不至遂死及詔下方從容宴客御史卽其第執而誅之妻子俱不及訣論者謂祖宗列聖神靈陰籍其口而降之罰非不幸也而後世乃追議卹錄濫矣按史臣評駁希顏其論雖正而稍涉苛刻希顏始建四廟之議旣遭廢退不無忿

恨於嚴嵩故借安儲之說以危上冀一中之其愚  
已甚比上旣誅希顏而出封景王國本遂定則  
希顏固有功於穆廟者其亦可比於晁錯之請削  
六國乎或云希顏疏語故無建帝二字高賂內豎洗  
改之以激上怒耳不然疏中何一不及建帝之指  
而無故特出二字以取死亦可哀也

南京山東道御史村潤等劾奏新改國子監祭酒沈坤  
居鄉橫暴擅用非刑打死住房人胡鸞剝其兩手糾  
衆防倭指不知名人爲敗卒梟首示衆霸開官店將  
鹽院引皮私用關防印子勒抽稅銀舉放私債將監



生生員嚴刑拷打逼取准拆妻孥以私忿囑官監禁  
毋舅占家貲逐弟賃住民房并及其任南監拆毀饌  
堂爲私宅器用等事 上覽其疏而惡之 詔褫坤  
職爲民仍令巡按御史逮繫來京訊治坤素跌宕負  
氣不能諧俗鄉里人多不悅之初以南祭酒守制家  
居會倭犯江北諸文武吏望風奔潰坤督率鄰里保  
所居淮安新城遠近依附者衆坤遂以軍法部署防  
禦有犯令者輒榜笞之改居民雖賴以保全而被其  
榜笞者亦遂生怨恨中有給事中胡應嘉宗黨及府  
縣儒學生一二人應嘉與坤有郤又性險狠遂與諸

生誤爲誣言。構之於御史林閏。疏劾之。應嘉復從旁力證。然皆流謗。無指實。其所謂斷手胡驚者。固無恙也。他皆類此。及坤逮至。竟拷死獄中。士論寃之。按史臣於坤所犯。稍爲辨雪。此亦黨護其衙門耳。然不知淮安之俗。顯宦居鄉。縣送門皂吏書承應。比於親臨上司。往翰林學士蔡昂守制在藉時。可驗也。坤性尤桀驁。無人理。則潤疏未必皆虛。卽其以鄉宦部署鄉人防倭。而擲以軍法從事。世有是理乎。坤爲祭酒。嘗過濟寧。聞管閫主事陳茂禮投以侍生帖。坤大怒斥之。因與茂禮大鬪舟中。爲士人傳笑。其器識可知也。

巡撫鳳陽等處右僉都御史唐順之卒。賜祭葬如例。順之直隸常州武進縣人。嘉靖己丑舉禮闈第一人。賜進士出身。改庶吉士。授兵部主事。調吏部。改翰林院編修。未幾上疏乞養病。詔以吏部主事致仕。居數年。召爲右春坊右司諫。兼翰林院編修。明年與贊善羅洪先校書郎趙時春上定國本疏。忤旨黜爲民。順之初欲獵奇致聲譽。不意遂廢。屏居十餘年。上方摧抑浮名無實之士。言者屢薦之。終不見用。會東南有倭患。工部侍郎趙文華視師江南。順之以策干文華。因之交驩。屢薦于世蕃。起爲南京兵部主事。陞職。

方員外郎郎中奉命查勘蘄鎮兵務復視師浙直總  
督胡宗憲薦其有功遷太僕寺少卿通政司右通政  
俄代都御史李遂巡撫鳳陽卒於官順之博學強記  
自六經諸子以至算射兵法陰陽小伎無所不研究  
其說其文詞足以擅名一家初罷歸閉門獨居力爲  
矯抗之行非其人不交非其道不取天下士靡然慕  
之旣久之不獲用晚乃由趙文華選得交嚴氏父子  
覬因以取功名起家不二年開府淮陽然竟靡所建  
立以卒順之本文士使獲用其所長直石渠金馬之  
地其著作潤色必有可觀者乃以邊才自詭旣假以

致身遂不自量忘其爲非有欲武功自見盡暴其短  
爲天下笑云按順之故以三不朽自任其家居二十  
年謂立言立德可以無媿惟歉於立功耳故干趙文  
華以通於嚴嵩父子欲以平倭自見及其臨事頗眩  
大失其平生而三沙之敗僅以身免後卒於淮陽凡  
四品京堂未經考滿者非日講軍功不得卹典嵩父  
子力以順之軍功爲請於禮部時尚書吳山特持之  
嚴氏因然山而遷怒於祠郎李績乃出爲景府長史  
順之始得祭葬矣而不知於例何所據也

雲南道御史耿定向劾奏吏部尚書吳鵬言頃 陛下

以四方多盜特下詔考察守令之貪暴者與百姓更始甚大惠也然臣竊以本正而末治源潔而流清今察守令之貪殘而不究銓司之淑慝是掩其本濁其源而欲末流之清且治難矣夫方今爲  陛下主銓衡者非尚書吳鵬哉鵬以天官爲已私物凡百司例當選陞者其始也必白白以賄也其旣也必謝謝以賄也其歲時也必有慶賀問安之禮慶賀問安以賄也姑不瑣論請跡其事之大較著者如鵬婿董分主考而子紹中式群目睽睽已自難掩及授官之際會試首蔡茂春止得兵部而紹反得禮部予奪之謂何

其誰能說此臣之不足於鵬者一也前吏部司屬李  
一科白壁皆賊墨著聞爲御史林騰蛟給事中袁洪  
愈所發騰蛟遂坐補外洪愈亦澠治者數年以此箝  
制言官使皆垂首濡足不得一吐憤懣此臣之不足  
於鵬者二也文選郎中何海晏驗封員外郎宗臣各  
以貪墨實錄被斥未幾一則陞河南叅政一則陞福  
建提學副使又何怪夫居吏部者之貪也此臣之不  
於鵬者三也臣初在吏部辦事見今文選員外郎張  
九一方入爲稽勲主事中外目笑之曰此官身價數  
千金矣入部以來多爲奸利乞墦登壘攘臂肆行是

爲天下貧殘者樹赤幟又何以禁守令使不貪也此  
臣之不足於鵬者四也九卿重任當以德選今漫無  
可否任其紛然請託惟強有力得之如蔡克廉病夫  
也而擬之南司徒沈坤巨惡也而寘之北祭酒向非  
聖明獨斷則計曹爲養病之所而太學是播惡之  
矣圖此臣之不足於鵬者五也私門納賄幾如關市  
甚而盈筐書帕顯然投于署中門者弗呵受者弗却  
如此而欲移文撫按禁貪戢穢恐即不及唇亦腹誹  
也此臣之不足於鵬者六也凡此六者皆本源之地  
自爲亂首而末流從之臣謹冒死以聞章上尚書鵬



及翰林院學士董份各疏辯求罷。上命鵬竭忠供職份安心直撰不允辭。既而九一海晏亦疏乞罷。部皆覆其留用。從之。按吳鵬先爲兩司時頗有清謹之譽。已爲漕運爲司空。寢不逮前矣。比入吏部。瀾倒尤甚。惟唯作嚴氏奴僕耳。而子紹以白衣營竊科第。則又欺天罔人之極。而定向旣露白簡。尚懷投鼠忌器之嫌。終無一言及嚴氏。蓋君子而未仁者乎。

吏部侍郎郭朴以三品六年考滿。吏部引奏。上諭嚴嵩郭朴淹矣。得非以撰直之故遲之乎。舊時有四閣。臣否意將用禮書吳山入閣以郭代之也。外度頗宜。

傳其事山之子聞之詣西直告其父曰今上意雖如此亦須赴殿公所一揖以示干之意令恩自彼出也山斥之曰兒不解事豈有閣老可以揖求之者乎卒不赴嵩所嵩遂密沮之山自是無進閣之望矣比上封景王之國安陸蓋激于郭希顏之疏以奪人心耳諭下禮部具儀嵩使人風山儀注雖具似當另疏留行山曰國本久未定今幸承上指復當留行耶冊封之日更請上御殿目送景王出大明門上曰此成化間以元封弟故事今以父封子亦當如是耶竟不陞殿而山自是寢失寵矣按是時

山生一女而歸于世蕃欲求爲媳因設酒亭山而以大學士李本爲之介酒未行山與本奕本以手掩肩語山今日之酒爲何而設山對不知本乃以世蕃之情告山曰某老矣何從得生女乎世蕃聞之蹙然不安遂罷酒而山于是與嚴失歡後嚴氏敗而其姻家無不待禍者人始服山之先見

戊午夏 裕邸有李妃之喪內監傳帖下禮部部爲具喪儀上請疏中有薨逝二字 上覽諭內閣曰我見親王俱稱病故此云薨逝何也以問禮部尚書亟召祠郎某奏對且言曰 上意叵測非直疑薨逝二字

也宜婉轉具草郎曰天子曰崩諸侯曰薨記言備矣  
柰何欲揣摩上意壞古之制乎尚書變色曰若自  
同奏脫逢上怒吾不比若也郎既就舍屬草言今  
在外親王邸中來奏卹者則曰某王病故比賜卹輟  
朝則曰某王薨逝是稱病故者臣子陳乞之詞陛下  
下所見是也其稱薨逝者朝廷褒卹之語臣等所  
陳亦不敢悖禮惟上所裁擇尚書覽草喜曰吾初  
念不及此即日奏之旅得俞旨以是得無改薨逝  
二字然上意未釋然他日驗封疏中復見薨逝二  
字上以硃塗之竟奪郎中俸二月後裕邸喪未

長子及未封玉女禮部未及疏讀上徑內批云  
喪禮減半行蓋上于裕邸每事裁抑如此

會闈自庚戌後舉子多用懷挾博進取有擬大魁者始  
猶諱之至丙辰以來則明言而公行之矣此仕進之  
一大蠹也歲己未言官建議欲嚴加搜檢如鄉場故  
事下禮部題覆儀曹郎案呈欲悉從言官議禮書吳  
山持之曰鄉會二試事體原不相同會闈之士皆歌  
鹿鳴而來者也故祖宗待之甚厚不過防之觀鄉  
試錄有搜檢官會試錄則無之矣其意可知也今使  
歌鹿鳴而來者亦復囚首垢辱于奴隸之手法誠審

矣但不當自我破壞舊例吾寧使士負朝廷不可  
使朝廷負士竟寢不行按山所論雖若少泥然恢  
上乎有得于大臣之體矣其後卒置搜檢官而士之  
犯法愈衆世道愈下人心愈漓勢而禁之尚不可挽  
況理而喻之乎

世廟識餘錄卷之二十終

世廟識餘錄卷之二十一

資政大夫太子少保禮部尚書臣徐學謨謹輦

罷刑部尚書鄭曉間住不許再用降左右侍郎趙大祐  
傳順令俸二級故事近京軍民有冤得投牒通政司  
赴刑部訊理時御史鄭存仁巡按順天移檄禁民越  
訴凡法司官擅受民詞有所追取府縣官不得輒發  
曉聞之乃引大明律例有停囚待對之條及會典中  
亦載近京犯人得聽法司問理與大祐等上疏論存  
仁違例侵官存仁亦執大明律自下而上之義論曉  
等欺罔上下其章於都察院會該科有議未上曉



等辯疏。上責其不候處分先行辯瀆。且言前者周山等作亂。咎本在激變之人。曉等奉旨末減。疏內無一字避退。雖曰執法終是自尊。乃黜降曉等。而命自今一應訟詞在外者。屬之有司。在京者。屬之刑部。不許再行奏擾。按存仁狂罔貪黷。小人其論曉蓋承嚴氏風旨。竟以小臣詘大臣。而近來有巡城小差。與刑部爭職掌。可咲之甚。而代言者竟無一語折之。國家之典刑。蔑如矣。則存仁有以啓之也。

查盤給事中羅嘉賓。御史龐尚鵬等言。浙直軍興以來。督撫諸臣。侵盜軍需。無慮數千萬。臣等奉詔通查。

出入之數其間侵欺有術文飾多端冊籍沉埋條貫  
淆亂者姑無論已即其文牘具存出入可考事蹟張  
灼可得而陳其數者則如督察尚書趙文華所侵盜  
以十萬四千計總督都御史周琬以二萬七千計總  
督侍郎胡宗憲以三萬三千計原任浙江巡撫都御  
史阮鶚以五萬八千計操江都御史史褒善以萬一  
千計巡撫應天都御史趙忻以四千七百計此皆知  
慮有所偶遺彌縫之所未盡據其敗露十不及二三  
然亦夥矣至於操江都御史高捷則明以江防銀二  
千兩檄送趙文華巡撫應天都御史陳錠則檄取軍

餉銀二千兩錙銖無所支費此又皆公行賄攘視爲當然者也乞通行追究明正法典以懲貪冒至于文華所任郎中郭仁及宗憲所任指揮戴冲霄楊永昌陳光祖並逮宜問追贓疏下戶部會吏部都察院議覆請罷忻捷官同文華等所劾贓罪候勘議黜仁爲民冲霄等下御史問惟宗憲功多當留用從之既而宗憲上疏自訟臣爲國除寇用問用餌不有小費不可以就大謀而忌者遂緣此生奸指爲侵尅臣誠不能以危疑之迹自理於讒謗之口乞且賜罷以待公論少明然東西南北惟上所用上優詔慰留之

按東南自兵興以來且無論督撫大吏即郡縣守令乘機科罰侵克庫藏何可勝計以是因亂生亂民益不聊生矣時倭難少息而羅龐疏至嚴嵩謂人曰昔王守仁討宸濠之後何嘗不侵濠帑以有大功故誚讓不及也雖其言蓋護短文華與宗憲其實事體當如是已上竟置宗憲不問而以文華候勘真雄畧之主哉

都御史章煥上經畧中原疏曰臣惟中原之患妖民盜賊二者而已妖黨之興始自數十年前妖民假以詐術誑惑愚民愚民所利福田利益妖民所逐溷雜淫

污而已。人心一蠱，妖說遂行。愚者求福，智者避禍。富者傾家以結納，貧者以身爲奴婢。然未有與其邪謀者。此一變也。數年以來，民窮財盡，邑無安居之戶，里無樂業之家。于是妖言盛行，根盤枝蔓。此又一變也。往時山東之寇不入燕趙，河北之賊不踰河南。自虜變倭變後，盡徵各省之兵應援，而推埋惡少，亡命逋逃，往往竄入其中。異黨之人邂逅相親，一呼響應。此又一變也。中原數省，其人故多輕死尚氣，彼見各處狂狡相聚而談地方虛實，攘臂喋血，遂起逆謀。此又一變也。今群妖群盜合爲一途，盜黨藉妖言以惑民。

而妖人倚群盜以劫衆閃倏無常不可踪跡此今日之大患也故山東西河南北直隸陝西湖廣漸成一黨盜賊往來所至有主所在成家逐捕之後莫知去向如近日林縣之賊乍起乍散他處亦有聞風而應者則可驗矣故南倭北虜之患有形而中原之患無形夫無形之患不可以有形治也要在被散奸謀調護元氣有萬全無失之策而後可以保萬年無疆之治矣臣謹條上八策一屯兵近者師伍倡亂不急趨省城而睥睨他郡大爲群賊所笑爲其虛可乘也今宣府一衛屯伍皆空堂堂鎮城乃專恃游民悍賊不

便宜增兵守之二收衆備北方長技或揮刃成風或  
騰空若飛或巧能穿楊或力能超乘或自負其能酣  
歌慷慨欲有以用之故衆備不收則中原多敵昔漢  
有材官蹶張羽林孤兒六郡良家子之號以錄異材  
終得其用此又長駕遠馭弭盜之基本也三修城池  
臣所擒大盜得其所計各處城池簿籍乃知中原保  
障莫要於此一勞永逸不可不亟圖四察險隘如河  
南直隸山東之交芒碭諸山遠近排列營壘天成其  
間藏兵之洞伏兵之處成跡具在真自昔用武之區  
而今爲各省之邊界有司棄而不守異日必爲盜資

此當深慮五時巡歷守巡兵備以送迎爲職業下邑偏州車轍所未嘗至於是禁防日疎而盜賊滋起臣願撫按之官時巡一省守巡兵備時巡一方以示彈壓六選良吏臣所獲諸盜不服爲盜而詭曰救民何者以貪官毆之也夫中牟之化行則潁川之盜息良吏者聖明所以共理天下者也故欲清中原先清吏治七處宗藩臣言中原事體何係於宗藩宗藩省城之主省城四方之綱今河南諸宗饑窮已甚若便處之得所則子孫千億皆爲皇室藩屏何憂群盜入議黃河黃河衝決其勢必興大工大工興則聚衆必



致數萬而中原危矣。故經畧中原者當以黃河爲急。論黃河者當以運道省城爲急。論運道省城者當爲謹始慮終之計。而毋爲目前倖免之謀。凡此皆臣愚日夜憂懼不敢以得代爲解而不言者也。疏下所司。是時南北寇警徵歛煩急貪吏肆行水潦荐至民不堪命則徃徃群聚爲盜。初河南人訛傳倭至鳳泗又言開封沒于黃河於是林縣有賊聚以數千計睢州又有百賊犯其南關比知前言爲訛傳即皆解散無復踪跡蓋亂之萌也。方煥撫河南適值其事初聞大駭旣而緝捕無端倪心蓋憂之故得代後乃上此疏。

雖詞多迂漫然足考見當時之事勢焉按煥此疏其  
論中原隱憂亦有賈誼策治安之意而史臣以爲迂  
漫非也第煥爲人素有文學而傷於躁急輕於動民  
所至築城遷學土木煩興科罰大峻地方頗苦之而  
經畧中原一語亦自駭聽上已默領之矣會遷總  
漕時家被回祿煥假道過其家爲南京給事中馬出  
圖所劾上謂煥專事談論意本欺謗特命逮送法  
司擬罪而刑部尚書潘恩奏煥煩言瀆聽當坐衝突  
儀伏奏訴律擬坐邊戍亦謂刑之濫矣煥竟死戍所  
而後來無白之者乃有失機之臣顧蒙褒錄不知于

典法何如也

太子太保禮部尚書顧可學賜祭葬如例謚榮禧可學  
直隸無錫人初以歷官叅議病免且十年覲進用無  
蹊逕矚上好長生乃納重賄大學士嚴嵩所自言  
能煉童男女洩爲秋石服食却老有驗嵩薦于上  
詔遣使齎金幣卽其家賜之可學乃赴京謝恩得當  
用累陞至今官然唯帶空銜支俸煉秋石供服餌不  
與聞公家事也至是以遷葬予告歸卒于家初可學  
與盛端明俱以方技召端明雖貴幸頗自知耻閉門  
謝賓客可學則揚揚自得甚復通苞苴囑托諸司有

不從卽陰持吏短脅之。是時官邪賂章廉耻道喪。然以縉紳而耳斯養之行。任人唾罵。恬無報容。則可學爲甚焉。死後七年。會隆慶改元。奉遺詔。褫其官。按可學以叅議家居時。與鄉人鄒望結訟。大致困累。故賂嚴嵩。結陶仲文。以方技得起用。而上終不任之。以事京師。人呼之爲秋石。尚書後以年老圖歸。冀得一差遣去。禮部數爲之請。上第批云。候旨行。而意已大疑。可學員恩幸告遷葬還家。尋卒。上始釋然。仍給優典。不然談相之禍所不免也。

上諭大學士嚴嵩等。景王府成已數年。當遵祖宗

大制令之國何久不舉行高等以示所司于是吏部  
請如舊制設王府官僚兵部請選錦衣衛及各衛千  
百戶二十七員改充儀衛司與群牧所典校典仗所  
官各行禮部鑄印給之仍發校尉六百名軍百名馬  
百匹雙馬單馬起船符驗各一道應用工部請遣官  
至德安脩葺府第俱報可是時上春秋高國本未  
建二王並居外邸形迹相儼景王母妃在上  
左右又有與援雖天意聖心自有攸屬而群情  
恫疑皇皇靡定奸邪之黨日夜竊伺觀望幸天下有  
變而欲以釣奇取富貴有識之士深以為憂忽聞夜

半中有渙頒京師士民踴躍稱慶天序既定群邪殛  
消始知淵衷信非凡愚所能測也此據國史所書  
如此然當時上封景王意未決徒激於郭希顏之  
言下諭以覘人心耳乃禮部遂欲上封王儀註嚴  
嵩召儀郎白啓常止尚書吳山勿上山曰天下人心  
屬望此舉久矣上不諭部吾不敢請今已奉  
諭而止其出封後日國本不定誰任其咎遂急上之  
上不得已允行而山自是失寵矣一日司禮監太  
監王錫私語山曰公他日得爲民去幸矣山懼恐不  
知所爲蓋指不留景王上太臧於山也

中書舍人劉芬爲民初吏部議以進士充景府長史芬清狂不慧或戲之曰吏部欲以爾爲之芬大怒卽馳往尚書吳鵬家裂冠毀裳戟手大詈而去鵬以聞詔錦衣衛逮送法司拷問黜之按芬與鵬子紹同年進士一日酒醉偶聞人言吏部欲以芬爲長史乃赴紹所問之紹在家不肯出見芬乃乘醉發其科塲陰事并詈及閨門鵬大慙悲劾奏之而鵬方與嚴嵩愜甚遂擬旨黜芬爲民過矣

乘一真人陶仲文卒仲文湖廣黃岡人幼習道士祈禳小術初以吏員爲遼東海州庫大使歲滿當選守選

京師得師事致一真人邵元節。江西龍虎山道士也。以方術得幸于上元節。且老因薦仲文得召見。一歲中遷至神霄保國宣教高士。未幾進神霄保國弘烈宣教授法通真忠孝秉一真人。領道教事。總各宮觀住持。知道錄事。食正三品俸。尋加少保。禮部尚書。尋又加少傅。餘如故。食正一品俸。俄進加少師。加號神霄紫府闡範保國弘烈宣教授法通真忠孝秉一真人。知道教事。勲加光祿大夫。柱國。又兼食大學士俸。尋進食伯祿。已實封恭誠伯。歲食祿一千二百石。官其子世恩爲秉一真人府供事。太常寺丞兼道錄。



司右演法至是有疾請告歸遂死于家悉錄其平生  
所得賜資金幣衣帶獻還于朝上聞而憫之諭禮  
部曰秉一真人總領玄教爲國祝修恭勤久著茲以  
疾故朕心憫悼其加贈特進光祿大夫諡榮康惠肅  
賜祭十壇如致一真人邵元節故事葬以伯禮乃給  
齋粮麻布與其子世恩爲送終費仲文無異術徒以  
符呪小方稱上意驟被恩寵自戊戌以後上不  
復視朝輔弼大臣皆希得進見獨仲文時被宣召  
至卽賜坐與語稱之爲師賞資以數萬計又兼領三  
孤列爵五等幾二十年以富貴終其身其死也復贈

謚賙賻恩眷有加自古所未有也隆慶改元始奉  
遺詔追奪仲文官世恩亦削籍按仲文以方術有寵  
于上雖日侍左右而一不干預朝事且默有所獻  
納如出胡績宗於獄大有回天之力上亦以其無  
他腸故始終優禮之比請老還籍則悉以所得于  
上金幣獻進之而上遂給工部爲修蘆溝橋之費  
其智亦足稱矣第方士不可以爲訓隆慶之詔奪蓋  
大臣愛君必防其漸有以也

二月辛卯朔日食是日微陰欽天監官言日食不見即  
同不食上悅以爲天眷已而禮部尚書吳山以護

禮畢報忤 旨山引罪 上曰爾等守禮不必引罪  
該科官如何不叅令以狀對禮科都給事中李東華  
等惶恐言 聖德當陽祥雲護日當食不食此誠敬  
格天之所致也山等不知題請恭謝玄恩乃如常救  
護罪不可追臣等一時失於叅奏罪亦難辭 上曰

天眷人君若君之於臣有不知感國典不容况聖  
人事天敢不欽戴章內曰彌賀曰謝玄奸巧孰甚焉  
山前執白鹿殊祥 殿廟強告原父天眷玄嗣所致  
昨陰雲監觀甚明非測言比乃如常救護謂寧盡已  
誠不可失正是則是矣然不敬天意賣直沽名亦不

可也。科首佐俸，餘各奪半年。已大學士嚴嵩言：「日食陰雲，卽同不食，不當救護，人所共知。而是日行禮如故，乃部臣之罪，不當專責言官。」上曰：「卿此言，敬天順理，正法之謂。本在尊官，東華改罰俸兩月，餘宥之。」部臣姑記罪，嵩揣上意，已不悅山，乃示風旨於科道諸臣。于是吏科都給事中梁夢龍共劾山，而誦於公義，則并劾吏部尚書吳鵬。上初無意去鵬，姑以山故，令鵬致仕，而山得冠帶閒住以去。按是日日食浮雲掩映，倏隱倏見，當救護時，嚴嵩自西直使人詣部急索賀䟽，山指日謂其人曰：「日方見食，吾誰欺欺。」

天平行禮如故所遣人以山言復於嵩遂奏之故激  
上怒如此而山言亦過於直亮非保身之道也山  
與嵩同鄉始嵩以其孫求婚於山之女山固却之以  
是爲恨上嘗欲進山於閣嵩已密阻之至是上  
所諭白鹿殊祥毀廟強告之語疑亦嵩譖之不然  
上在深宮何由得聞也

趙王一夕自縊死成臯王戴煊以王縊狀聞歸罪於彰  
德知府傅汝礪通判田時雨械汝礪等至京拷問論  
汝礪戍極邊時雨罪死仍械河南斬之長史李遇等  
戍罰有差遣官治王喪輟朝三日謚之曰康初三十

九年六月洛川王翊銘奴與民爭時雨撻其奴翊銘  
訴於趙王時雨不爲屈竟論奴克軍十月十八日湯  
陰王府奉國將軍石熾厚銳與汝礪求索祿糧汝礪  
不與而囚其奴厚熾等復以告趙王王令厚熾詣府  
求釋汝礪辭不見見時雨復以語侵之是夜王暴薨  
于思訓樓中翌日長史以王病薨牒府府臣哭臨如  
禮時外議洶洶言或禍起官闈卽及成畢王王懼乃  
更與長史李愚等以自縊計聞因稱時雨汝礪威逼  
王致死法司論坐如律按翊銘厚熾事至微淺時雨  
等未嘗忤王王亦無志於時雨等第素性仁柔斷

薨之前數日侍兒有見王咄咄自語如有所恨者實  
爲其妃與成臯王有陰事致然外間人莫知也王本  
以慙悲自盡乃委罪于時雨等碩事在河南卽法司  
亦難于遙度而以意成獄終爲不白之冤爲可惜也  
吏部左侍郎茅瓚以足疾在告久上諭大學士嚴嵩  
曰知瓚足疾否或令養疾此際似不可無官且右侍  
郎自有本業也瓚聞之懼因䟽言臣所患乃肢體末  
疾今且愈矣再乞假數日上曰銓曹非養疾地其  
令回籍調理乃用袁煒代之按瓚以戊戌狀元及第  
爲人軀幹甚偉中無學術好以氣岸陵人人不能堪

爲撰文久頌懷進閣之望一日偶倩工修其足甲爲刀所傷墜其二指而猶戀位不去上諭意遣之未幾卒于家雖由聖明獨斷實天益之疾也

伊王典樸有罪刑部左侍郎趙大祐錦衣衛都指揮僉事萬文明等覆勘其不法事得實還報言王聽承奉葉全蔡朝及奸徒吳希周等教誘以修理府第爲名將方城王府樞城郡主第宅洛陽縣獄文昌祠及法藏寺佛殿盡行逼奪仍闢占官街五道抑買民房百餘家又遣官校下洛陽等縣催徵府第價銀括洛陽寄居民一千餘人逼令作工府中擅立東廠緝事鈎



索小民過失。關府第爲磚城一座。重城一座。各有重門。環城紅鋪十座。自王正宮外。建槐椿清和。鸞鸞騰光宮殿。百花臺。乘風御氣閣。凡十一所。皆上僭不道。又遣內使軍校大索軍民婦女。入府選留。不中令以金贖。繫末平知縣謝魯。拷掠逼跪殿門。傳旨責問。俱有實狀。如撫按官言。第知府張桂。指揮李夢孫等。不能委曲善處。以激怒王。致令爭辨不服。亦不能無罪。疏入。詔下禮部三法司會議。言伊王奢縱淫虐。大違祖訓。法當重處。請嚴加戒諭。令其速圖自新。將違制門樓重城改正。其逼奪官民第舍。俱各退還。添

設厰鋪及私建槐椿等宮殿盡行撤毀強取婦女應  
給主并給價者俱各查給仍令長史司將王改過事  
蹟開呈撫按具奏詔從之張柱李夢孫等俱降調  
吳希周蔡朝等各逮治發遣有差按伊王之惡與微  
王有間止緣其故所薦梁散人者日在上側談王  
奢僭事上已領之未發也而所都洛陽又多貴勢  
之家耻爲王屈故愆恩撫按叅劾之以必去其所忌  
而王竟及于禍

京師靈濟官講學之會莫盛于癸丑甲寅間蓋當是時  
大學士徐階禮部尚書歐陽德兵部尚書聶豹吏部

侍郎程文德主會皆有氣勢縉紳可扳附得顯官故  
學徒雲集至千人丙辰而後諸公或歿或去惟階尚  
在而講壇爲之一空矣戊午歲太僕少卿何遷自南  
京來復推階爲主盟仍爲靈濟宮之會乃遷名位未  
可恃號召諸少年多無應者偶有貴臣弟某欲藉講  
學爲名高一日當赴會適與大闌飲至醉忘之矣更  
從旁患曰盍往靈濟宮乎時某雖醉心猶了了遽曰  
亟牽馬來比上馬目憊憊不開明矣吏掖而馳至講  
所則學徒咸拱而候之旣下馬不能成揖第擁而卽  
席坐坐定鼻息如雷衆不敢言亦不敢睨比晚講輟

吏仍掖之上馬去，竟不知往來何所事也。聞者傳以爲笑。

鑄印局大使張仁，京師人也。爲人修飭善諸體書。比以九年考滿赴吏部過堂，故事九品以下係雜流官，例於墀下叩頭。仁在衆中獨昂然長跪而已。尚書問曰：「此亦雜流官，乃敢相抗？」仁曰：「詩書六藝皆儒者之事，書爲六藝之一，故官屬禮部。何謂雜流？」尚書令吏抑其項。仁項愈益，疆尚書怒曰：「汝不欲作官耶？」仁曰：「辱身而得官，不如死也。」遂投牒乞致仕去。後副使舒傑亦詣吏部考滿，仍如故事叩頭。吏部喜其能下，遷工

部司務入內閣辦事傑既爲中書官欲與禮部司  
敵禮更不遜讓明年內察傑尋黜二人之去官相距  
官僅數月而人品大自徑庭矣

餘姚謝丕如以吏侍宅憂歸後無薦之者遂不得起用  
以原官卒于家其孫某來奏卹典大學士李本少嘗  
受業於謝一日特造祠郎某欲爲之請謚郎素知謝  
爲人姑應之曰且俟考功司查覆若無論本便可議  
謚也李公咲曰昔張司馬瓚在本兵十二年積論本  
燒得餽鍋熟後介老爲禮書卒與之請謚論本何可  
擬以權衡人也郎唯唯退乃白之部尚書尚書曰謝

故予廷試時讀卷官也。翰林舊例卽讀卷官亦稱座主。况有李公爲之地。直須與之矣。郎復應之曰。謝爲人不應謚。恐考功司不能爲之庇。比考功移文至。凡查論本計十有三。備極穢惡。尚書覽而面色發赤。大怒曰。此人狼籍。一至此哉。幾亂公典。一應所請。宜盡寢格之矣。郎從容言曰。祭葬者一時之榮。官在則有之。可毋論其人也。唯謚號爲萬世公議。予奪貴嚴部持之足矣。况謝嘗爲今。上日講官。且生前未蒙黜。不應得者。已不可得。而應得者。并寢格之。郎中何以復李公也。尚書意稍解。徐曰。姑屬草來。而李本之

中表弟胡濬者時爲祠祭主事亦代李愬恩郎乃屬  
兩疏一備云考功文一畧簡節私托胡並呈于季李  
詫曰謚已無望矣但得郎少爲掩飾可報吾師也郎  
詰尚書曰之卽用簡節疏上尋被 旨止照例與祭  
葬謚罷時嚴嵩與謝亦同年蒿子世蕃聞郎初有抗  
內閣之意戲謂謝之孫敏行曰而祖似長安街丐者  
卽喫得一口鮓受郎某之侮卒不少矣蓋憾辭也當  
紛濁之際小臣之難于執法如此然以大學士之尊  
能詘意于一郎而郎終無所撓嘉靖間部閣之體不  
甚懸絕比慶曆之際閣臣鮮逆六卿之寓者况郎官

乎

世廟識餘錄卷之二十一終